

Falja e namazit në rrugët e afërme me xhaminë

Komiteti i Përhershëm për Kërkime dhe Vendime

Pyetje: Cilët janë kufijtë e një xhamie sipas ligjit islamik dhe a janë rrugët e afërme me xhaminë pjesë e xhamisë? Kjo, kur xhamia është e mbushur me plot njerëz, ndonëse ka xhami të cilat nuk mbushen me xhematlinj?

Përgjigje: Kufijtë e xhamisë në të cilën muslimanët i falin pesë vaktet në xhemat përkufizohen me muret rrethuese të xhamisë, qofshin ato të gurta, të drunjtja, me degë të palmave, etj. Pra, kjo është përkufizuar si xhami, ku është e ndaluar hyrja dhe ulja për gratë me menstruacione, për gratë me gjakderdhje të pas-lindjes dhe për personin me papastërti pas-seksuale [xhunubllëk]. Për ata që mbërrijnë në xhami dhe e gjejnë atë përplot me adhurues, është e lejueshme ta falin namazin e xhumasë apo ndonjë namaz tjetër, qoftë i obligueshëm, qoftë i vullnetshëm, në vendin më të afërt ndaj xhamisë, siç janë rrugët pranë saj, për sa kohë që e zënë namazin me Imam – për shkak të domosdoshmërisë –, me kusht që të mos dalin para Imamatit. Por, ky namaz nuk e ka vendimin e njëjtë si të atij që falet në xhami. Dhe Allahu e di më së miri.